



ҚАЛБА ТЫНЫСЫ

№ 21 (9383) Жұма, 30 мамыр 2025 жыл

Газет 1934 жылдан бастап шығады

Аудан әкімдігінің отырысы



Аудан әкімі Нұрлан Борсықбаевтың төрағалығымен сейсенбі күні аудан әкімдігінің отырысы өтті. Жинға ауылдық округтер мен қала, кент әкімдері және мекеме, дербес бөлім басшылары қатысты. Әкімдік отырысының күн тәртібінде бірнеше мәселе қаралды. Атап айтқанда, 2025 жылдың өрт маусымындағы қауіпсіздік шараларына дайындық, Салық базасын кеңейту және бюджетке қосымша резервтер іздеу; Балалар мен жасөспірімдердің жазғы демалысын, сауықтырылуын және жұмыспен қамтылуын ұйымдастыру; Тұрғын үймен қамтамасыз ету; «Таза Қазақстан» бағдарламасы аясында жүргізілген жұмыстар; туберкулез аурушандығының өсуі туралы бірнеше тақырыптарда жауапты мамандардың баяндамалар тыңдалды. Сонымен қатар, әрбір көтерілген мәселелер бойынша қосымша ақпараттар тыңдалды.

Аудан әкімдігі отырысының қорытындысы бойынша әкімдіктің қаулылары шығарылып, қаралған мәселелер бойынша нақты ұсыныстар берілді, саланың жауапты басшылары мен округ әкімдеріне бірқатар тапсырмалар жүктелді.

Күрсар Арықханқызы.

Қоғамдық қабылдау



Аудан әкімі Нұрлан Борсықбаев өткен апта жұма күні тұрғындарды жеке мәселелері бойынша қабылдау өткізіп, арыз-шағымдарын білдіре келген көпшіліктің сауалдарына жауап берді. Әр аптаның жұма күні өткізілетін қоғамдық қабылдауда тұрғындар өздерін толғандырған мәселелерін жеткізді. Атап айтқанда, әлеуметтік мәселелер мен баспана алу, әлеуметтік және материалдық көмектің қажеттілігі жөнінде сауалдарымен жүгінді.

Тұрғындардың жеке мәселелерін тыңдаған аудан әкімі өз кезегінде қолданыстағы Заңнама аясында көтерілген мәселелердің шешу жолдарын түсіндірді. Жалпы қоғамдық қабылдауда көтерілген барлық мәселелердің бақылауға алынатындығын жеткізген аудан әкімі, тиісті сала басшыларына нақты тапсырмалар жүктелді.

Өз тілшіміз.

Айна ақпарат

АБАЙ ОБЛЫСЫНЫҢ ӘКІМІ БЕРІК УӘЛИДІН «ТУҒАН ЖЕРГЕ ТУЫНДЫ ТІК» ИНВЕСТИЦИЯЛЫҚ ФОРУМЫНА ШАҚЫРУЫ

Ардақты абайлықтар! Қадірлі ағайын!

Қасиетті Абай жері ежелден елге қызмет еткен ерлер көп шыққан құтты аймақ. Ел-жұртқа жақсылық жасаудың ұрпақтан-ұрпаққа жалғасқан игі дәстүрі бар.

Бұл өлкеде кешегі Құнанбай, Ақтайлақ билер қазақ баласының ергенін ойлап, кейінгілер аңыз кылып айтардай ірі іс атқарды.

Осы өнегелі мектеп пен үлкен арманнан Абай туды. Ол тұтас қазақ ойын өзгертіп, кыяр шеттен қиян далаға білім мен өнердің шуағын шашты. Абайдың ізін ала қазақ ренесансын тудырған Алаш үкіметінің осы топырақта өркен жайғаны кездейсоқтық емес. Аталы жолдың заманға сай жалғасы еді.

Қазақтың алғашқы театрының қойылымының осы өңірде қойылуы, Семейдің алаштың астанасы болуы, алғашқы баспаның ашылуы, қазақ футболының басталуы, бәрі де құтты мекеніміздің прогресс отаны екенін айқын айғақ. Ол туған жеріне туын тіккен, туған еліне тамырын терең жалғаған ұл-қыздардың жүрек қалауы, елдік пейілі мен еселеу еңбегінің жемісі болатын. Бұл даңғыл жол ешқашан үзілме еместі.

Сіздер сондай қасиетті топырақта туып, кәсіпті мекенде түледіңіздер. Асқақ армандарыңыздың түпқазығында осындай тарихи жол, тағдыры өлке тұра.

Қадірлі ағайын! Іскер топ өкілдері! Қазақ елі тәуелсіздіктің алғашқы жылдары талай бұралаң жолдан өтіп, тағдыры кезеңдерді бастан кешті. Сол кыиын кезеңдерде облыс жабылып, ел жан-жаққа көшті. Аймағымыз шетқапай көрді, ол жасырын емес.

Қазақстан Президенті Қасым-Жомарт Кемелұлы Тоқаевтың 2022 жылғы 3 мамырда қол қойған тарихи Жарлығымен Абай облысы қайта құрылды. Бұл біздің облысымыз үшін тарихи әділеттіктің орнаған күні

болды. Тынысы ашылған туған өлкемізде ауқымды жұмыстар атқарылып жатыр. Инфрақұрылым жүйелі түрде жаңғырып, білім мен денсаулық сақтау саласы жаңа деңгейге көтерілуде. Кәсіпкерлерге қолдау күшейіп, ауыл-аймақтарда жаңа нысандар салынып жатыр. Мұның барлығы – халықтың жағдайын жақсартуға бағытталған игі қарарлар.

Мемлекет басшысының қолдауымен «Абайға құрмет» акциясы басталды. Хакім Абайдың 180 жылдық мерейтойына орай еліміздің әр өңірі облысымызға бір нысаннан салмақ. Қазір Маңғыстау, Түркістан, Ақтөбе, Шығыс Қазақстан облыстары мен Шымкент, Астана қалалары тиісті жұмыстарды бастап кетті. Қалған өңірлер де бұл бастаманы қолдайтындарын білдіріп жатыр.

Мен жақында ғана облыстың алдағы даму жоспарын жарияладым. Оны өздеріңіз жақсы білесіздер. Соған сәйкес Семейде 75 мың тұрғынға арналған жаңа ақшамаудан салуды жоспарлап отырмыз. Мұнда тұрғын үй кешендері, 40-тан астам әкімшілік, коммерциялық және әлеуметтік нысандар, саябақтар бой көтереді. Жоба аясында болашақта жастар сарайы, Жекпе жек сарайы, ғалымдар үйі, медиа орталық, көрме орталығы, Достық үйі, инвесторлар орталығы, музыкалық мектеп, филармония, этносаябақ, стадион, колледж, музей, балабақша-лар, қонақүйлер мен сауда кешендерін салу жоспарланып отыр. Өңіріміздің өркендеуі жолында көп болып жұмылып, бірлік пен сенімді серік етсек, кез келген күрделі мәселені түйінін тарқатуға болады.

Облысты дамытудың кешенді жоспарына шетел инвесторларын тарту бағыты да қарқын ала бастады. Сіздер де аймақтың алға басуына бірге атсалысуға шақырамын. Құрметті кәсіпкерлер, іскер азаматтар!

Біз бүгінде әр салада жетістікке жетіп, елдің абыройын асқатқан жерлерімізбен мақтанамыз. Туған ауылына қамқорлық жасап, елге жанашырлық танытып жүрген азаматтар аз емес. Бұл – нағыз отансүйгіштіктің, ел мен жерге деген адалдықтың жарқын көрінісі.

Алдымызда тұрған маңызды міндеттеріміздің бірі – өңіріміздің әлеуметтік-экономикалық әлеуетін арттыру, жаңа жұмыс орындарын ашу. Мен Сіздерді туған жердің дамуына өз үлестеріңізді қосуға шақырамын. Бұл – тек қана азаматтық борыш емес, ұрпақ алдындағы аманат, ел болашағына бағытталған іргелі қарар.

Сондықтан мен Сіздерді маусымның 19-20 күндері Семей қаласында өтетін «Туған жерге туынды тік» атты инвестициялық форумға белсене атсалысуға шақырамын!

Бұл – әр азаматтың туған топырағына тағзым жасап, кіндік қаны тамған қасиетті мекенге құрметін білдіруге тамаша мүмкіндік. Форум – алыста жүрсе де, жүрегі туған ел деп соққан жерлеріміздің басын қосатын, ортақ мақсаттар мен ізгі ниеттер тоғысатын маңызды алаң.

Туған жерге туын қалаған, өскен өлкеге тамырын терең жайған азаматтың бағы биік, мәртебесі басым, рухы әрқашанда асқақ болары сөзсіз.

«Туған жерге туынды тік» – халқымыздың ұрпақтан-ұрпаққа жалғасқан ұлы ұстанымы. Ата-бабамыздың осы еснеті – бүгінгі күні де өзекті. Ерген үшін де бағдаршам болмақ.

Еңдеше, ел болашағы үшін бірге еңбек етейік! Туған жердің гүлденуі жолында бірлігіміз бекем болсын!

Абай өңірін бірге дамытайық!
Туған жерге туынды тік, ағайын!

Абай облысының әкімдігі.

Сыңғырла, соңғы қоңырау!

Еліміздің барлық мектептерінде оқу жылы аяқталып, білім мекемелерінде соңғы қоңыраудың үні сыңғырлады. Аудан мектептерінің барлық түлектері үшін білім алған ыстық ұяларынан түлеп ұшып, қызығы мен қуанышы мол сәттерді көз алдынан тағы бір мәрте парактады. Жаңа өмірге қадам басқан жас түлектерге ақ тілектер ақтарылып, өңір мектептерінде соңғы қоңырау салтанатты шаралары өткізілді.

Мектеп табалдырығын кеше ғана имене басып, тарыдай болып кірген түлектер де 11-сыныпты бітіріп, алда талай асуларды бағындыруға бет алмақ. Мектеп бітірушілерді күтіп тұрған асудың алғашқы баспалдағы – ҰБТ-дан сүрінбей өтіп, өзі қалаған жоғары оқу орнына түсу. Міне, бүгін осы сындарлы сағатты еліміздің барлық аймағындағы бітірушілер тағазысызана күтуде.

Биылғы оқу жылы – мектеп бітіруші түлектер үшін дәстүрлі шара ұйымдастырылды. Барлық білім мекемелерінде өткен іс-шараларға аудан әкімінің орынбасарлары, мәслихат төрағасы мен депутаттар және мекеме-бөлім басшылары қатысып, өздерінің жүрежарды құттықтау лебіздерін білдіріп, аас түлектерге сәттілік тіледі.

Жалпы аудан бойынша 38 мектеп, оның ішінде 21 - орта, 15-негізгі, 2- бастауыш



білім беру мекемесі бар. Жалпы ұстаздар саны 1034 мұғалім, аудан мектептерінде 6313 оқушы білім алған. Биыл 372 бітіруші түлек үлкен өмірге қадам басқалы отыр.

Ал ҰБТ-ға қатысуға ниет білдірген оқушы саны – 345, Оқу жылының қорытындысы бойынша 11-сыныптардан 27 оқушы – «Алтын белгіге», 22-і – «Үздік аттестатқа» үміткер. Ал 9-сыныпты 590 оқушы бітіреді. Мұндай деректер аудан мектептерінің білім сапасын, шәкірттердің білімге деген ынта-жігерін дәлелдей түседі.

Сыңғырлаған күміс қоңырау үнінен кейін әр түлек өз бағытына бет алады. Бірі – арманына, бірі – алда күткен жауапкершілікке қарай. Мектеп қабырғасында алған білім мен тәрбиенің салмағы енді шынайы өмірге сыналады. Қанша қиындық кезіксе де, жүрекке сенім, бойда білім, айда мақсат болса – жол ашық. Арманға қол созып, ата-ана мен ұстаздың үмітін арқалаған түлектерге ақ жел!

К.Шығабат.